

ဇေယျကံ ဇေယျကံ သင်းတော်ဟို့ ပေါလုရဲ့ ပေးစာ နိဒါန်း

ဇေယျကံ သင်းတော်ဟို့ ပေါလုရဲ့ ပေးစာ ဟာ ခရစ်တော် မွီးဘီးနု ၆၀ ခုနှစ်လော့-က်ဟု ကောလောသဲ သင်းတော် ဟို့ ပေါလုရဲ့ ပေးစာနု တခါဒဲ ရေးဟူးဟယ်။ စာရေးသူ ဟာ သူကိုယ်သူ တမန်တော် ပေါလုဖြစ် ဖော်ပြဟူးဟယ် (၁.၁)။ ကောလောသဲကျမ်းထဲမှာ လူပေါက်ကိုလေဟို့ နှောက်ဆစ်ဟူးဇာ တို့ရဘေမဲ့ ဇေယျကံကျမ်းထဲမှာ နဲနဲဟူး ဘဲ တို့ရဟယ်။ ပေါလုဟာ အယ်ပေးစာဟို့ ရေးဟူးဟယ် ဆိုဘီး ကျမ်းစာပညာရှင်လေဟု ဘောတူဟူးဟယ်။ အယ်ကြောန်းကြောန့် အယ်ပြည်ဟု သင်းတော်လေထဲမှာ ပုလုံန့်ဟို့ ရည်ရွယ်ဟူးဟယ်။ ပေါလုဟာ အယ်ပေးစာဟို့ ထောန်ထဲဟုနေ ရေးဟူးဟယ် ဆိုဘီးလည်း ဖော်ပြဟူးဟယ် (၃.၁: ၄.၁: န ၆.၂၀)။ ပေါလုဟာ ဇေယျကံ သင်းတော် ဟို့ ခရီးပြုနေဟူ တုခိတ်နတူးဒူ အယ်ပေးစာဟို့ ဆောင်း ဗါးပါးလိုက်ဟယ် (၆.၂၁-၂၂)။

ဇေယျကံမြို့ဟာ အာရှမိုင်းနားပြည်ရဲ့ ရရာတိုင်း ကီးမား ဟူ ရောမမြို့တော်ဖြစ်ဟယ်။ အယ်မြို့ဟာ ဂရိနတ်ဖုရား မ အာတေမိဟို့ ပူဇော်ဟူ ဗိမာန်ရှိဟူကြောန့် ထန်ရှားလေ ဟယ် (တ ၁၉.၂၃-၃၁)။ ဇေယျကံ သင်းတော်ဟာ စမာ အား

ကောင်းဘေမဲ့ နှော့-က်ပိုင်းမာ အားပျော့လာဟွယ် (ဗျာ ၂.၁-၇)။

ပေါလုဟာ အယ်ပေးစာရဲ့ တဝပ်လော့-က်မာ ဘုရားသခင်ဟာ သူ့ရဲ့ လူမျိုးတော်လေဟွီ ဖယ်မျိုး ဝီးကော့-က်ခံရဘီး ယေရှုခရစ်တော်အားဖြင့် သူးနှိရဲ့ ပြစ်ဟုနေ ဖယ်မျိုး ကယ်တန်ခံရဟွယ် ဆိုဇာဟွီ ရှင်းပြဟွားဟွယ်။ သူဟာ ခရစ်တော်ရဲ့ ကိုယ်ခန္ဓာဖြစ်ဟူ သင်းတော်ဟွီ ဦးခေါင်းဖြစ်န ခရစ်တော်ရဲ့ ဆောက်ဦးဟွီ တိုက်ဒေါ့-က်ချောက်ဖြစ် နှိုင်းယှဉ်ဟွားဟွယ်။ သင်းတော်ဟွာ ဒို့သမီးဖြစ်ဘီး ခရစ်တော်ဟွာ ဒို့သားဖြစ်ဟွယ် ဆိုဘီး နှိုင်းယှဉ်ဟွားဟွယ်။ ပေါလုဟာ အယ်ပေးစာရဲ့ ဒုတိယတဝပ်မာ ခရစ်ယာန်သတ်တာန ဆိုင်ဟူ ညွှန်းကြားချစ်လေဟွီ ပေးဟွားဟွယ်။

ကြောင်းရာ ကျဉ်းချောက်

- ၁။ ခန်းဂီး ၁ ထဲမာ ပေါလုဟာ သူ့ကိုယ်သူ မိတ်ဆစ်ဟွားဘီး ဇဖက် သင်းတော်ဟွီ နှောက်ဆစ်ဇာအားဖြင့် နိဒါန်းပျိုးဟွားဟူကြောင်း (၁.၁-၂)
- ၂။ သူဟာ ခရစ်တော်န သင်းတော်ရဲ့ ဆစ်နွယ်ရှင်းဟွီ ရှင်းပြဟွားဟူကြောင်း (၁.၃-၃.၂၁)
- ၃။ ပေါလုဟာ ခရစ်ယာန်လေ သတ်ရှင်ရမယ့် နည်းလမ်းဟွီ ရေးဟွားဟူကြောင်း (၄.၁-၆.၂၀)
- ၄။ ပေါလုဟာ ညွှန်ကြားချစ်တချို့ဟွီ ပေးပြီး နိဂေါင်းချောက်ဟွားဟူကြောင်း (၆.၂၁-၂၄)

¹ ဘုရားသခင်ရဲ့ လိုတော်အားဖြင့် ခရစ်တော်ယေရှု
ရဲ့ တမန်တော်ဖြစ်ဟူ ငါပေါ်လှဟာ —

ခရစ်တော်နှိုက် သစ်စာရှိဘီး ဧဖက်မြို့* မာနေဂေဟူ
သန်ရှင်းသူလေနားဟို့ စာရေးလိုက်ဟယ်။

² နို့လေရဲ့ဖ ဖြစ်ဟူ ဘုရားသခင်န ယေရှုခရစ်တော်
နားဟုနေ ကျေးဇူးတော်န ငြိသတ်ရှင်းဟာ နန်းနို့လေ
ဟာ ခံစားရပါစေ။

ခရစ်တော်အားဖြင့်ရဟူ ဝိညာဉ်ဆုကျေးဇူးကြောန်း

³ နို့လေဟာ သခင်ယေရှုခရစ်တော်ရဲ့ဖ ဘုရားသခင်ရဲ့
ကျေးဇူးတော်ဟို့ ချီးမွမ်းဂေဇို့။ ဖြားဖြစ်ကြောန်းနူးဆိုဟာ
ကိုယ်တော်ဟာ ကောန်းဂန်လောကနဆိုင်ဟူ ဝိညာဉ်ကော
န်းဂျီးမင်္ဂလာလေဟို့ ယေရှုခရစ်တော်အားဖြင့် တလောင်း
တဝဒဲ ဖြစ်ဟူ နို့လေဟို့ ပေးသနားဟူးကြောန်း ဖြစ်ဟယ်။

⁴ နို့လေဟာ ခရစ်တော်န တလောင်းတဝဒဲ ဖြစ်ဟူကြော
န်းရှေ့တော်မာ သန်ရှင်းဘီး ပြစ်တန်ဇာမေ့ဘဲန လွတ်ကင်း
ဟူ လူလေ ဖြစ်ဂေဟို့တွပ် အယ်ကမ္ဘာလောက မေ့ခန်ဒူး
ဟူ နို့လေဟို့ ဘုရားသခင်ဟာ ဝီးကော့-က်ဟူးဇာ ဖြစ်ဟ
ယ်။

ကိုယ်တော့် မြစ်တာကြောန်း

⁵ ဘုရားသခင်ဟု†သူ့ရဲ့ သားမီးလေ ဖြစ်စေဟို့တွပ်

1:1 ၁.၁ တ ၁၈.၁၉-၂၁: ၁၉.၁ * **1:1 ၁.၁** တချို့
မူရင်းလတ်ရေးမူလေမာ ဧဖက်မြို့၊ ဆိုဇာ မေ့ဟူ။ † **1:5 ၁.၅** ကိုယ်တော့်
မြစ်တာကြောန်း ၅ဘုရားသခင်ဟု၊ အယ်မျိုးမူဘဲနေဟာ ကိုယ်တော်ရဲ့
ရှေ့တော်န မြစ်တာထဲမာ နေဟယ်၊ ဘုရားသခင်ဟူ။

ယေရှုခရစ်တော်အားဖြင့် ကြိုတန်ဘီး သတ်မှတ်ဟူးရှင်း ဖြစ်ဟုယ် — အယ်မူဇာဟာ ကိုယ်တော်ရဲ့ လိုတော်န ကြံစည်တော်လေဘဲ ဖြစ်ဟုယ်။

⁶ ကိုယ်တော်ဟာ ရရာတိုင်း ရှစ်ဟူ သားတော်အားဖြင့် နို့ လေဟို့ လတ်ဆောက်ပေးဟူ ဖောင်းသရေတော်န ပုလဲဇောင်ဟူ ကျေးဇူးတော်တွပ် နို့လေဟာ ဘုရားသခင်ဟို့ ချီးမွမ်းဂေဇို။

⁷ ဘုရားသခင်ရဲ့ ကျေးဇူးတော်ဟာ ကြွယ်ဝဟူကြောန့် နို့လေဟာ ခရစ်တော်ရဲ့ သွီးတော်အားဖြင့်[‡] ဝီးကော့-က် ရှင်းဖြစ်ဟူ လွန်ကျူးဟူပြစ်လေ ခွမ်လွတ်ရှင်းကျေးဇူးဟို့ အယ်သားတော်အားဖြင့် ရရှိဂေဟုယ်။

⁸ ဘုရားသခင်ဟာ အယ်ကျေးဇူးတော်ဟို့ နို့လေမာ ကြွယ်ဝပုလဲဇောင်စေဘီး ဂူလောင်းဟို့ သိဟူ ဉာဏ်ပညာ နရော၊ သိပညာလေနရော၊

⁹ သူ့ရဲ့ ရည်ရွယ်ချစ် တိုင်း လောက် လိုက် ဟုယ်။ ခရစ်တော်ကြောန့် နတ်နဲဟူ ကြံစည်လေဟို့ နို့လေဟို့ သိစေဟုယ်။

¹⁰ အယ်မျိုးကြံစည်လေဟာ ခိကုလလာဟူ ခီမာ ကောန်းဂန်ဘောင်မာရှိဟူ ဇာလေရော၊ မုလေဂီးထတ်မာရှိဟူ ဇာလေရော ဂူလောင်းဟို့ ခရစ်တော်အော့-က်မာ ပေါန်းစည်းဟို့တွပ် စီမံဘီးဟာ ခွဲခန့်ဟူးဇာ ဖြစ်ဟုယ်။

1:7 ၁.၇ ကော ၁.၁၄ [‡] **1:7 ၁.၇** ခရစ်တော်ရဲ့ သွီးတော်အားဖြင့်၊ အယ်မျိုးမူဘဲနေဟာ ခရစ်တော်ရဲ့ သေခံရှင်းအားဖြင့်။

11 ရှိမျှဂူလောင်းဟို့ ဘုရားသခင်ရဲ့ ကြံစည်န ဆောင်း
 ဖြတ်ဟူးတိုင်း ဖြစ်လာရဟယ်။ ဘုရားသခင်ဟာ သူ့ရဲ့
 လိုတော်ကြောန့် ရှေးရှေးဒူးဟုနေ စီရင်ဘီး ဆောင်းဖြတ်
 ဟူးဟူတိုင်း နို့လေဟို့ ခရစ်တော်န တလောင်းတဝဒဲ ဖြစ်
 စေဘီးဟာ သူ့ရဲ့ လူမျိုးတော်ဖြစ်န ဝီးကော့-က်ဟူးဇာ
 ဖြစ်ဟယ်။

12 အယ်ကြောန့် ခရစ်တော်ဟို့ ဦးဆောင်းပထမ မျှော်လ
 င်ဟူနို့လေဟာ ဘုရားသခင်ရဲ့ ဖောင်းသရေတော်ဟို့ ချီးမွ
 မ်းဂေ့ဇို့။

13 နန်းနို့လေဟာ ကယ်တန်ရှင်းနဆိုင်ဟူ ဒန်းကောန်းဖြစ်
 ဟူ သမ္မာတရားဟို့ ကြားရဟူ ခီမာ ဘုရားသခင်ရဲ့ လူမျိုး
 လေ ဖြစ်လာဂေ့ဟယ်။ နန်းနို့ဟာ ခရစ်တော်ဟို့ ယောင်
 ကြည်ဘီး ဘုရားသခင်ဟာ သူ့ရဲ့ ဂဒိထားဟူးတိုင်း သန့်
 ရှင်းဟူဝိညာဉ်တော်ဟို့ ပေးဇာအားဖြင့် နန်းနို့ဟို့ သူပိုင်ဟူ
 ကြောန့် ဇီခတ်ဇာဟို့ ခံရဂေ့ဟယ်။

14 ဝိညာဉ်တော်ဟာ ဘုရားသခင်ရဲ့ လူမျိုးတော်ဟို့ ဂ
 ဒိထားဟူးတိုင်း နို့လေဟူး ခံစားရမယ်ဖြစ်ကြောန်း
 အာမခံချစ်ဖြစ်ဟယ်။ အယ်ကြောန့် ဘုရားသခင်ဟာ
 သူပိုင်ဟူလူလေဟို့ လွတ်မြော့-က်စေမယ် ဖြစ်ဟူကြော
 န့် နို့လေဟာ ယောင်ကြည်စိခလနိုင်ဟယ်။ နို့လေဟာ
 ကိုယ်တော်ရဲ့ ဖောင်းသရေတော်ဟို့ ချီးမွမ်းဂေ့ဇို့။

ပေါလု ဆုတောင်းကြောန်း

15 အယ်ကြောန့် နန်းနို့ဟာ သခင်ယေရှုဟို ယောင်ကြည်
ဘီး သန်ရှင်းသူလေဟို ရှစ်ဟူကြောင်းဟို ကြားရဟူခံဟုစ
ဘီး၊

16 ငါဟာ နန်းနို့ကြောန့်မြဲဒမ်း ကျေးဇူးတော်ဟို ချီးမွမ်း
ဟယ်။ နန်းနို့တွပ်လည်း ဆုတောင်းပေးနေဟယ်။

17 နို့လေရဲ့ သခင်ယေရှုခရစ်တော်ရဲ့ ဘုရားသခင်ဖြစ်
ဟူ ဖောင်းသရေတော်န ပုလဲဇောင်ဟူဖဟာ သူ့ဟိုသိဟို
တွပ် ဉာဏ်ပညာဟို ပေးဘီး ပျာဒိတ်တော်နဆိုင်ဟူ ဝိညာ
ဉ်ဟို နန်းနို့ဟို ပေးဟို့ကြောင်းန၊

18 ဘုရားသခင်ဟာ နန်းနို့ရဲ့ စိန်လောင်းမျစ်စိဟို ဖွင့်ဟို
တွပ်န ခေါ်ဟားဟူဇာနဆိုင်ဟူ မျှော်လင့်ဇာဟာ ဖယ်မျိုး
ဇာဖြစ်ဟယ် ဆိုဇာရော၊ သန်ရှင်းဟူသူလေဟု ခံရဟူမို့
ဟာ ဖောင်းသရေတော်န ဖယ်မျှလော့-က် ကြွယ်ဝဟူဇာ
ရော၊

19 ကိုယ်တော်ရဲ့ စွမ်းသတ္တိန ပုလဲဇောင်ဟူ တဂိုးရှိဝါ
ရဲ့ လောက်ဆောန်ဇာအားဖြင့် ယောင်ကြည်ဟူ နို့လေထ
တ်ဟို ရော့-က်လာဟူတဂိုးဟာ ဖယ်မျှလော့-က်ထူးခြား
ဘီး ရရာတိုင်း ကီးဟယ် ဆိုဇာဟိုရော နန်းနို့လေဟာ သိ
ဟို့တွပ် ငါဆုတောင်းဟယ်။

20 ခရစ်တော်ဟို သေရာဟုနေ ပုလန်ရှင်စေဘီး ကောင်း
ဂန်ဘောင်မာ သူ့ရဲ့ ဉာဏ်မာ ထိုင်နေဟူခီဒူးဟု ဘုရား
သခင်ဟု သောင်းပြုလိုက်ဟူ တဂိုးတော်ဘဲ ဖြစ်ဟယ်။

21 အယ်ကောင်းဂန်ဘောင်မာ ခရစ်တော်ဟာ ကောင်းဂန်
လောကဟို အောက်စိုးဟူသူလေ၊ အာဏာပိုင်လေ၊ တဂိုး

လေန သခင်ဂူလောင်းရဲ့ ဘွဲ့နာမလေထတ်မာ အောက်စိုး
ဘီး ကိုယ်တော်ရဲ့ နာမတော်ဟာ မြင်နေရဟူလောကန နာ
ဂတ်လောကမာ ခေါ်နေဟူဘွဲ့နာမ ဂူလောင်းထတ် ကီးမြ
တ်ဟယ်။

²² ဘုရားသခင်ဟာ ရှိမျှဂူလောင်းဟို့လည်း ခရစ်တော်
ရဲ့ ခေဖွားအော့-က်မာ ခုလဟားဘီးဟာ ကိုယ်တော်ဟို့ ရှိ
မျှဂူလောင်းရဲ့ထတ်မာ ဦးခေါ်န်းဖြစ်စေဘီး သင်းတော်ဟို့
ပေးဟယ်။

²³ အယ်သင်းတော်ဟာ ရှိမျှဂူလောင်းဟို့ ပုလဲဝစောင်
လင်စေဟူ ခရစ်တော်ရဲ့ ကိုယ်ခန္ဓာ ဖြစ်ဟယ်။§

2

သေရာဟုနေ သတ်ရှင်ဟားဟူကြောင်း

¹ တဒိဒူးဟု နန်းနို့ဟာ နာခံဘဲဇာလေန ပြစ်လေကြောန့်
ဝိညာဉ်ရေးမာ သေနေဂေဟယ်။

² လောကရဲ့ ပြစ်လမ်းစဉ်တိုင်း သတ်ရှင်ဂေဟယ်။
အာကာသမာရှိဟူ ဝိညာဉ်တဂိုးလေဟို့ အောက်စိုးဟူမန်း
ဟို့ နာခံဟူလူလေ ဖြစ်ဂေဟယ်။ ဘုရားသခင်ရဲ့ မိန့်ဟို့
နာခံဘဲဟူလူလေဟာ ခုခီမာ အယ်သူရဲ့ အောက်ချောက်
ဇာဟို့ ခံနေရဂေဟယ်။

1:22 ၁.၂၂.၂၃ ကော ၁.၁၈ § 1:23 ၁.၂၃ ရှိမျှဂူလောင်းဟို့
ပွဲဝစောင်လင်စေဟူ ခရစ်တော်ရဲ့ ကိုယ်ခန္ဓာ ဖြစ်ဟယ်။ အယ်မျိုးမူဘဲနေဟာ
ရှိမျှဂူလောင်းဟို့ ပွဲဇောင်စေဟူ ဘုရားသခင်ရဲ့ ပွဲဇောင်ရှင်း ဖြစ်ဟယ်။

2:1 ၂.၁-၅ ကော ၂.၁၃

3 နို့လေအားလောင်းဟုလည်း တဒီးဒူးဟု အယ်လူလေ
ထဲမှာ ပါဘီးဟာ ကိုယ့်ရဲ့ ဇာတိသွီးသား တတ်မတ်မှု
ထဲမှာ သတ်ရှင်လာဘီး၊ ကိုယ်ကာယနဲ့ စိန်လောင်းရဲ့လို
တိုင်း လောက်ဂေဘီး တခြားလူလေမျိုးဘဲ ဘုရားသခင်
ရဲ့ ဆောင်းမဇာတိ ခံရဟူလူလေ ဖြစ်ဂေဟယ်။

4 အယ်ဘေမဲ့ ကရုဏာတော်နဲ့ ရရာတိုင်း ကြွယ်ဝဟူ
ဘုရားသခင်ဟာ နို့လေဟိုရှစ်ဘီး ရရာတိုင်း ကီးမားဟူ
မြစ်တာတော်ကြောန့်၊

5 လွန် ကျူး ဟူ ပြစ် လေ မာ သေ နေ ဟူ နို့ လေ ဟို
ခရစ်တော် နဲ့ တူး ဒူ သတ် ရှင် စေ ဟု ယ်။ နန်း နို့ ဟာ
ဘုရားသခင်ရဲ့ ကျေးဇူးတော်ကြောန့် ကယ်တန်ဇာဟို ခံ
ရဂေဟယ်။

6 အယ်ကြောန့် ခရစ်တော်ယေရှုအားဖြင့် နို့လေ ဟို
ကိုယ်တော်နဲ့တူးဒူ ထမြော့-က်ခိုင်းဘီးဟာ ထတ်ဟု ကော
န်းဂန်ဘောင်မှာ ကိုယ်တော်နဲ့တူးဒူ ထိုင်ခိုင်းဟယ်။

7 အယ်ဇာဟာ ခရစ်တော်ယေရှုနှိုက် နို့လေဟို ကရုဏာ
တော်နဲ့ ကျေးဇူးပြုဟူကြောန့် သူ့ရဲ့ ထူးခြားဟူကျေးဇူး
တော်ရဲ့ ကြွယ်ဝဟူဇာလေဟို နှော့-က်လာဟို ကပ်ကာလ
လောကမှာ မြဲဒမ်းပြဟိုတွပ် ဖြစ်ဟယ်။

8 ဖြားဖြစ်ကြောန့်နဲ့ဆိုဟာ နန်းနို့ဟာ ကျေးဇူးတော်
ကြောန့် ယောင်ကြည်ရှင်းအားဖြင့် ကယ်တန်ဇာဟို ခံရ
ဂေဟယ်။ အယ်မူဇာဟာ နန်းနို့ကိုယ်တိုင်ကြောန့် မူဟု။
ဘုရားသခင် ပေးတော်မူဟူ လတ်ဆောန်ဖြစ်ဟယ်။

9 ကိုယ်လောက်ဟူ မှုကြောန့် မှုဟူ။ အယ်ကြောန့် ဖယ် သူလည်း ဝါကြားဇာကြောန့် မှုဟူ။

10 ဖြားဖြစ်ကြောန့်နုးဆိုဟာ နို့လေဟာ ကောန်းဟူဇာ လေဟို လောက်ဟိုတွပ် ခရစ်တော်ယေရှုနိုက် ဖန်ဆင်းခံ ဟားရဟူ ဘုရားသခင်ရဲ့ လတ်ရာတော်လေ ဖြစ်ဂေဟ ယ်။ ကောန်းဟူမူလေမာ နို့လေဟာ သတ်ရှင်ဂေဟိုတွပ် ဘုရားသခင်ဟာ အယ်မူလေဟို ကြိုဘီးဟာ ပြင်ဆင်ဟား ဟယ်။

ခရစ်တော်နု တလောင်းတဝဒဲဖြစ်ကြောန့်

11 ဇာတိအားဖြင့် လူမျိုးခြားဖြစ်ဂေဟူ နန်းနို့ဟို ရေဖျား လှီးဇာဟို ခံဘဲဟူသူလေ ဆိုဘီး ယုဒလူမျိုးလေဟ ခေါ် ဂေဟယ်။ ယုဒလူမျိုးလေဟ သူးနို့ကိုယ်သူးနို့ ရေးဖျား လှီးဇာဟို ခံဟူသူလေ ဆိုဘီး ခေါ်ဂေဟယ်။ ရေဖျားလှီး ဇာ ဆိုဘီး ပြောဟူဇာဟာ ကိုယ်ကာယနဆိုင်ဟူ မှုဖြစ်ဟ ယ်။ ရင်းရင်ဒူးဟု နန်းနို့ ခြေနေလေဟို ဒီရဂေပါ။

12 အယ်ခီဒူးဟု နန်းနို့ဟာ ခရစ်တော်နု ဝီးနေဘီး ဟာ ဘုရားသခင် ဝီးကော့-က်ဟားဟူ ကုသရေလလူမျိုး စာရင်းထမလည်း ဝမ်ဟူ။ သူရဲ့လူမျိုးဟို ဘုရားသခင် ထားဟားဟူ ဂဒိတော်နဆိုင်ဟူ ပဋိညာဉ်လေနည်း ဆိုင် ဟု၊ အယ်လောကမာ မျှော်လင့်ဇာမဲ့ဘဲ၊ ဘုရားတရားမဲ့ ဘဲ ဖြစ်နေဂေဟယ်။

13 အယ်ခီမာ တခီဒူးဟု ဝီးနေဟူ နန်းနို့ဟာ ခုခီမာ

ခရစ်တော်ရဲ့ သွီးတော်အားဖြင့်* ခရစ်တော်ယေရှုနှိုက် တလောင်းတဝဒ်ဖြစ်ဘီး နီးဟို့ ရော-က်ဟားဂေဟယ်။

14 ခရစ်တော်ဟာ ယုဒလူမျိုးလေန လူမျိုးခြားလေဟို့ လူမျိုးတမျိုးဒဲ ဖြစ်စေဘီးဟာ နို့လေဟို့ ရန်ငြီးပေးဟယ်။ ကိုယ်တော်ဟာ သူရဲ့ ကိုယ်ခန္ဓာအားဖြင့် နို့လေဟို့ ရန်သူလေမျိုးခွဲဟားဟူ တံတိုင်းဟို့ ဖြိုခွလလိုက်ဟယ်။

15 ကိုယ်တော်ဟာ ဥပဒေစည်းမျဉ်းလေန ယုဒပညတ်တရားဟို့ ပယ်လိုက်ဘီးဟာ ယုဒလူမျိုးလေန လူမျိုးခြားလေဟို့ သူရဲ့ ကိုယ်ခန္ဓာအားဖြင့် တလောင်းတဝဒ် ဖြစ်စေဘီး လူမျိုးသစ်ဖြစ်စေဘီး အယ်နည်းအားဖြင့် ရန်ငြီးမှုဟို့ ဖြစ်စေဟယ်။

16 ခရစ်တော်ဟာ လတ်ဝါးကပ်တိုင် မာ သေခံဇာအားဖြင့် သူးနှိရှင်းရှင်း ပုလန်သင့်မြတ်စေဘီးဟာ လတ်ဝါးကပ်တိုင်အားဖြင့် လူမျိုးနေ့မျိုးဟို့ ကိုယ်ခန္ဓာတခုဒဲ ဖြစ်စေဘီးဟာ ဘုရားသခင်နားဟို့ ပုလန်ဘီးဟာ ပို့ဆော်နပေးလေဟယ်။

17 အယ်ကြောန့် ဘုရားသခင်န ဝီးနေဟူ လူမျိုးခြားလေန ဘုရားသခင်န နီးနေဟူ ယုဒလူမျိုးလေနားဟို့ ခရစ်တော်ဟာ ကြွလာဘီးဟာ ရန်ငြီးဇာနဆိုင်ဟူ ဒန်းကောန်းဟို့ ဟောပြောဟယ်။

18 လူမျိုးခြားလေန ယုဒလူမျိုးဖြစ်ဂေဟူ နို့လေဟာ

* 2:13 ဂ.၁၃ ခရစ်တော်ရဲ့ သွီးတော်အားဖြင့်၊ အယ်မျိုးမှုဘဲနေဟာ ခရစ်တော်ရဲ့ သေခံဇာအားဖြင့်။ 2:15 ဂ.၁၅ ကော ဂ.၁၄ 2:16 ဂ.၁၆ ကော ၁.၂၀

ခရစ်တော်ကြောင့် တပါးဒဲဖြစ်ဟူ ဝိညာဉ်တော်ဟို့ အားကိုး
ဘီးဟာ ဖဘုရားသခင်ရဲ့ ရှေ့ဟို့ ဝမ်ခွမ်ရဂေဟယ်။

¹⁹ အယ်ကြောင့် နန်းနို့ဟာ လူမျိုးခြား မှဟု။ ဧည့်သည်
လည်း မှဟု။ သန့်ရှင်းဟူ လူလေရဲ့ မျိုးသားရှင်း ဖြစ်ဂေ
ဟယ်။ ဘုရားသခင်ရဲ့ မိသားစုဝမ်လေလည်း ဖြစ်ဂေဟ
ယ်။

²⁰ ဖြားဖြစ်ကြောင့်နူးဆိုဟာ တမန်တော်လေန ပရော
ဖက်လေအားဖြင့် တိုက်ထွေး-က် အုပ်ြစ်ထတ်မာ နို့လေ
ဟာ တည်ဆွေ-က်ဟားဟယ်။[†] အယ်တိုက်ထွေး-က်အုပ်
ြစ်ဟာ ခရစ်တော်ယေရှုကိုယ်တိုင်ဘဲ ဖြစ်ဟယ်။

²¹ ကိုယ်တော်ဟာ အယ်ဆွေ-က်ဦး တတိုက်လောင်း
ဟို့ သေးသေချားချာဟား ခိုင်ခံ့စေဘီး၊ ကီးထွေးလာဘီး
ဟာ သခင်ဘုရားတွပ် သန့်ရှင်းဟူ မိမာန်တော်ဖြစ်ဟယ်။

²² နန်းနို့ဟုလည်း ခရစ်တော်န တလောင်းတဝဒဲဖြစ်ဘီး
တခြားလူလေနတူးဒူ တည်ဆွေ-က်ဇာဟို့ ခံရဘီး ဝိညာဉ်
တော်အားဖြင့် ဘုရားသခင် ကိန်းဝပ်ဟူနေရာ ဖြစ်လာဂေ
ဟယ်။

3

လူမျိုးခြားလေတွပ် ပေါလု မှတော်ဆောန်ကြောင့်

[†] 2:20 **၂၂၀** တမန်တော်လေန ပရောဖက်လေအားဖြင့် တိုက်ထွေး-က်
အုပ်ြစ်ထတ်မာ နို့လေဟာ တည်ဆွေ-က်ဟားဟယ်၊ အယ်မျိုးမှဘဲနေဟာ
အုပ်ြစ်ဟာ တမန်တော်လေန ပရောဖက်လေ ဖြစ်ဟယ်။

1 အယ်ကြောန်းကြောန့် ခရစ်တော်ယေရှုရဲ့ ကျဉ်းသား ဖြစ်ဟူ ငါပေါလုဟာ လူမျိုးခြားဖြစ်ဟူ နန်းနို့တွပ် ဘုရား သခင်ဟို့ ဆုတောင်းဟယ်။

2 ဘုရားသခင်ဟာ သူ့ရဲ့ ကျေးဇူးတော်ကြောန့် နန်းနို့ ကျိုးတွပ် အယ်မူဟို့ လောက်ဟို့တွပ် ငါဟို့ အပ်ပေးဟူ ကြောန်းဟို့ နန်းနို့ဟာ တကယ်ဘုံ ကြားသိရဂေဟယ်။

3 ဘုရားသခင်ဟာ သူ့ရဲ့နတ်နဲဟူ ကြံစည်လေဟို့ ငါဟို့ ဖော်ပြဟယ်။ အယ်ကြောန်းရာလေန ပတ်သတ်ဘီးဟာ နန်းနို့ဟို့ ငါဟာ ကျဉ်းချောင်း ဖော်ပြပေးပီးဘီ။

4 နန်းနို့ဟာ အယ် ဖော်ပြချစ်လေဟို့ ဖတ်ဘီးဟာ ခရစ်တော်ရဲ့ နတ်နဲဟူဇာလေဟို့ နားလည်ကြောန်းဟို့ သိ နိုင်ဂေဟယ်။

5 ဘုရားသခင်ဟာ အယ် နတ်နဲဟူဇာဟို့ ရင်းရင်ဒူးဟု လူလေဟို့ ဖွမ်ပြဟားဘေမဲ့ ခုခါမာ ကိုယ်တော်ရဲ့ သန်ရှင်းဟူ သူလေဖြစ်ဂေဟူ တမန်တော်န ပရောဖက်လေဟို့ ဝိညာဉ်တော်အားဖြင့် ဖွမ်ပြလိုက်ဘီ။

6 အယ် မျိုး နတ် နဲ ဟူဇာဟာ ဒန်းကောန်းအားဖြင့် လူမျိုးခြားလေဟာ ယုဒလူမျိုးနတူးဒု ဘုရားသခင်ရဲ့ ကောန်းဂျီးမံင်လာဟို့ ခံစားခွမ်ရဂေဟယ်။ သူးနို့ဟာ ကိုယ်ခန္ဓာတော်ရဲ့ အင်္ဂါလေဖြစ်ဘီးဟာ ခရစ်တော်ယေရှု အားဖြင့် ဘုရားသခင်ပေးဟားဟူ ဂဒိတော်မာ ပါဝမ်ခံစား ခွမ် ရဂေဟယ်။

7 တဂိုးအားဖြင့် လောက်ဆောန်ဟူကြောင့် နို့လေဟို အပ်ပေးဟွားဟူ ဘုရားသခင်ရဲ့ ကျေးဇူးတော်နဆိုင်ဟူ ကောန်းဂျီး လတ်ဆောန်နတူးဒု ငါဟာ အယ်မျိုး ကောန်း မြတ်ဟူ ဒန်းနဆိုင်ဟူ မှဆောန်ဖြစ်လာဟယ်။

8 ငါဟာ ဘုရားသခင်ရဲ့ သန်ရှင်းဟူလူလေ ဂူလောင်းထဲ မာ ငယ်ဆောင်းထတ် ပိုဘီးငယ်ဟူ ငါ့ဟို အယ်ကျေးဇူး တော်ဟို အပ်ပေးလိုက်ဟူဇာဟာ ခန့်မှန်းဟိုရနိုင်ဘဲဟူ ခရစ်တော်ရဲ့ ကြွယ်ဝဟူဇာဟို လူမျိုးခြားလေဟို ဒန်း ကောန်းဟောဟိုတွပ်န၊

9 ရှိမျှဂူလောင်းဟို ဖန်ဆင်းဟွားဟူ ဘုရားသခင်မာ ရှေး ရှေးကာလဒူးဟုစဘီး ဝှပ်ဟွားခံရဟူ လျှို့ဝှပ်နတ်နဲဟူ ဇာ နဆိုင်ဟူ စီမံခွဲခန့်ဟွားဟူဇာဟာ ဖယ်မျိုးဇာဖြစ်နူးဆိုဟာ လူလေဟို သိသိသာသာဟွား ထန်ရှားဟိုတွပ် ဖြစ်ဟယ်။

10 အယ်မျိုးလောက်ဟူဇာဟာ ကောန်းဂန်ဘောင်ဟို အောက်စိုးဟူသူလေန အာဏာပိုင်လေဟာ ဘုရားသခင်ရဲ့ ထူးခြားဟူ ဉာဏ်ပညာလေဟို ခုခီမာ သင်းတော်အားဖြင့် သိလာဂေဟိုတွပ် ဖြစ်ဟယ်။

11 ဘုရားသခင်ဟာ သူ့ရဲ့ ထာဝရကြံ့စည်တိုင်းဘဲ နို့လေ ရဲ့ သခင်ခရစ်တော် ယေရှုအားဖြင့် အယ်မျိုးဘဲ ပုလဲဇေင်စေဟယ်။

12 နို့လေဟာ ခရစ်တော်န တလောင်းတဝဒဲဖြစ်ဇာန အယ်သခင်ဟို ယောင်ကြည်ကြောင့် ဘုရားသခင်နားဟို ရဲရဲရင့်ရင့်ဟွား ယောင်ကြည်စီခလဘီးဟာ တိုးဝမ်ဟူခွမ်

ရဂေဟယ်။

¹³ အယ်ကြောန့် နန်းနို့တွပ် ငါခံရဟူ ဆင်းရဲဒေါက်ခ ကြောန့် နန်းနို့ဟာ စိပျစ်ဂေန်။ နန်းနို့ဟို ချီးမြှော-က်တွပ် ဘွဲ ငါခံရဟူဇာဘွဲ ဖြစ်ဟယ်။

ခရစ်တော်ရဲ့ မြစ်တာကြောန်း

¹⁴⁻¹⁵ အယ်ကြောန်းကြောန့် ငါဟာ ကောန်းဂန်ဘောင်န ကမ္ဘာမလေဂီးထတ်ဟု အီထောန်စုဂူလောင်းရဲ့ နာမယ် ရင်းမြစ်ဖြစ်ဟူ ဖဘုရားသခင်ရှေ့မာ ဒူးထော့-က်ဘီး ဆု တောင်းဟယ်။

¹⁶ ဘုရားသခင်ဟာ ဖောင်းသရေတော်န ကြွယ်ဝဟူဇာ မျိုး သူရဲ့ ဝိညာဉ်တော်အားဖြင့် နန်းနို့ထဲဟု ဝိညာဉ်လူဟို တဂိုးနတူးဒူ ကြံ့ခိုင်သန်မာစေဘီး၊

¹⁷ ယောင်ကြည်ရှင်းအားဖြင့် နန်းနို့လေရဲ့ စိန်လောင်း ထဲမာ ခရစ်တော်ဟာ ကိန်းဝပ်ဟူကြောန်းန နန်းနို့ဟာ မြစ် တာတော်မာ အပြစ်ခွလဟားဘီး၊

¹⁸ အယ်မြစ်တာတော်ရဲ့ လျား၊ နံ၊ မြစ်၊ နတ်လေဟာ ဖယ်မျှလော့-က် ရှိဟယ် ဆိုဇာဟို သန်ရှင်းဟူသူလေ ဂူ လောင်းနတူးဒူ သဘောပေါ့-က်နိုင်ဟူစွမ်း ရှိဟူကြောန့်၊

¹⁹ သိပညာထတ်ထူးခြားဟူ ခရစ်တော်ရဲ့ ရှစ်ရှင်းမြစ် တာတော်ဟို သိဘီး၊ နားလည်လာဂေဘီး ဘုရားသခင်ဟာ ပုလဲဇောင်မျိုးဘွဲ ပုလဲဇောင်ဟိုတွပ် ဆုတောင်းဟယ်။

²⁰ နို့လေထဲမာ လောက်ဆောန်နေဟူ တဂိုးအားဖြင့် နို့ လေ တောင်းလျော့-က်ကြံ့စည်ဟူ ဇာလေထတ် ပိုဘီး ပေး

နိုင်ဟူ ဘုရားသခင်ဟာ

²¹ သင်းတော်အားဖြင့်ရော၊ ခရစ်တော် ယေရှုအားဖြင့်
ရော ကမ္ဘာဆစ်ဆစ် ဖောင်းကီးတော်မူပါစေ! အာမင်။

4

ခရစ်တော်ရဲ့ ကိုယ်ခန္ဓာနု တလောင်းတဝဒဲ ဖြစ်ကြော
နိုး

¹ အယ်ကြောန့် သခင်ဘုရားရဲ့မူတော်ဟို့ လောက်ဆော
န့်ကြောန့် ထောန်ခလခံရဟူငါဟာ နန်းနို့လေဟို့ တိုက်တွ
န်းဟယ်။ နန်းနို့ဟာ ဘုရားသခင် ခေါ်ဟားဇာန ထိုက်တန်
မျိုး ကျင့်ကြံဂေပါ။

² မြဲဒမ်း စိန်လောင်းဟို့ နှိခလဂေပါ။ သိမ်မွေ့နူးညံ့ဂေ
ပါ။ စိရယ်ဂေပါ။ ယော့-က်နယော့-က်သီးခံဘီး မြစ်တာပြ
ဂေပါ။

³ နန်းနို့ဟို့ စည်းလောင်းစေဘီး ငြိသတ်ရှင်းအားဖြင့်
ဝိညာဉ်တော်ဟုပေးဟူ စည်းလောင်း ညီညွတ်ဇာဟို့ ထီး
သီးဂေပါ။

⁴ နန်းနို့ဟို့ ဘုရားသခင်ဟု ဝီးကော့-က်ဘီး ခေါ်ဟား
ဟူကြောန့် မျှော်လင့်ဇာ တပါးဘဲရှိမျိုး ကိုယ်ခန္ဓာတပါးဒဲ၊
ဝိညာဉ်တော်တပါးဒဲ ရှိဟယ်။

⁵ သခင်တပါးဒဲ၊ ယောင်ကြည်ရှင်းတပါးဒဲ၊ ဗတုတိဇံတ
ပါးဒဲ၊

6 လူလေ ဂူလောင်းရဲ့ ဖဘုရားသခင် တပါးဒဲရှိဟယ်။ အယ်ကိုယ်တော်ဟာ လူလေ ဂူလောင်းဟို့ အောက်စိုးဘီး လူလေအားဖြင့် လောက်ဆောန်ဘီး လူလေထဲမာလည်း ရှိနေဟယ်။

7 ခရစ်တော်ပေးဟားတိုင်း နို့လေ တယော့-က်ချင်းစီ ဟာ ထူးခြားဟူဆုကျေးဇူးဟို့ ခံစားရဂေဟယ်။

8 ကျမ်းစာလာဟားတိုင်း
“ကိုယ်တော်ဟာ ထတ်ဟို့ တတ်ကြွဟားဟူ ခီမာ
လူလေဘောင်ဂီးဟို့ ဖမ်းဆီးခေါ်ဆောန်ဟားဘီးဟာ
လူလေဟို့ ဆုကျေးဇူးလေဟို့ ပေးဟယ်။”

9 တတ်ဟားဟယ် ဆိုဘီး ပြောဇာဟာ မှလေဂီးရဲ့ အော့-က်ဆောင်းဟို့* ဆင်းဟားဟယ် ဆိုဘီး ပြောဇာမူ ဘဲနေဟာ ဖြားဇာ ဖြစ်အူးမယ်နူး။

10 အယ်ကြောန် ဆင်းဟားဟူ ကိုယ်တော်ဟာ ရှိမျှဂူလောင်းဟို့ ပုလဲဇောင်စေဟို့တွပ် ကောန်းဂန်ဘောင်ဟို့ တတ်ဟားဟူ ကိုယ်တော်လည်း ဖြစ်ဟယ်။

11 အယ်ဘီးန ကိုယ်တော်ဟာ တချို့လေဟို့ တမန်တော်ဖြစ်၊ တချို့လေဟို့ ပရောဖက်ဖြစ်၊ တချို့လေဟို့ ဒန်းကောန်းဟောပြောသူဖြစ်၊ တချို့လေဟို့ သင်းအောက်ဖြစ်န ဆရာဖြစ် ခန့်ဟားလေဟယ်။

12 အယ်မျိုးလောက်ဇာဟာ ခရစ်တော်ရဲ့ ကိုယ်ခန့်ဇာဟို့ တည်ဆော့-က်ဟို့တွပ် ဘုရားသခင်ရဲ့ သန်ရှင်းဟူလူလေ

* 4:9 ၄:၉ မွေဂီးရဲ့ အော့-က်ဆောင်းဟို့၊ အယ်မျိုးမူဘဲနေဟာ၊ မွေဂီးရဲ့ အော့-က်ဟို့။

ဟို ကူညီဟိုတွပ် ပြင်ဆင်ဟူးဟူဇာ ဖြစ်ဟယ်။

13 အယ်ကြောန့် နို့လေရဲ့ ယောင်ကြည်ရှင်းအားဖြင့်ရော၊
ဘုရားသခင်ရဲ့ သားတော်ဟို သိကျွမ်းရှင်းအားဖြင့်ရော၊
နို့လေ ရဲဂေဟူဇာ ဟာ တလောင်းတဝဒဲ ဖြစ်ဂေဘီး
ခရစ်တော်ရဲ့ ပုလဲဇောင်မှုတိုင်း ရင့်ကျက်ဟူ လူလေဖြ
စ်ဟို ရော-က်ဟူးဂေဟယ်။

14 အယ်ခီမာ နို့လေဟာ လီညာဘီးဟူး လူလေဟို လမ်းလွဲ
အောန်ပြောတတ်ဟူ လူလေရဲ့ ဩဝါဒ လှိုင်းလောင်းလေ
ထဲမာ ပါဟူးဟူ သားဂန်ဟူးမျိုး ဖြစ်ဂေဇာ မူဟူ။

15 အယ်ဘေမဲ့ နို့လေဟာ မြစ်တာန သမ္မာတရားဟို ပြော
ဟူကြောန့် သင်းတော်ရဲ့ ဦးခေါင်းဖြစ်ဟူ ခရစ်တော်မာ စ
စရာရာမာ ကီးထွားရှင်းဟို ရဲဂေဟယ်

16 ကိုယ်တော်ရဲ့ စီမံအောက်ချောက်ရှင်း အော့-က်မာ
ကိုယ်အင်္ဂါရှိမျှဟာ တခုနခု ဆစ်ပိုင်းဟူးလေန ဆစ်စပ်
ဘီးနေဂေဟယ်။ အယ်ကြောန့် ကိုယ်အင်္ဂါတိုင်းဟာ သူး
နို့နဆိုင်ဟူ လောက်တာဝန်ဟို လောက်ဆောန်ဂေဟူ ခီမာ
ကိုယ်ခန္ဓာတခုလောင်းဟို မြစ်တာန တည်ဆော့-က်ဟူး
ဘီးဟာ ကီးထွားစေဟယ်။

ခရစ်တော်ကြောန့်ရဟူ ဘဝသစ်ကြောန့်

17 အယ်ကြောန့် နန်းနို့ဟာ ဘုရားတရားမဲ့ဘဲဟူ
လူမျိုးခြားလေမျိုး ကျင့်ဂေဘဲဟိုတွပ် သခင်ဘုရားရဲ့

နာမတော်ဟို့ မှီပြုဘီးဟာ ငါဟာ ဒိပေးရှင်ဟယ်။ သူးနို့ ကြံစည်လေဟာ ချည်းနှီးဘဲ ဖြစ်ဟယ်။

18 သူးနို့ဟာ စိန်လောင်းမာဘီး ဉာဏ်ပညာမဲ့ဘဲ သိ တရားလောင်းဝမဲ့ဘဲန ခေါင်းမာဟူကြောန့် ဘုရားသခင် ပေးဟားဟူသတ်န ကွေးဘီးဟာ ရှိနေဂေဟယ်။

19 သူးနို့ဟာ ရှစ်ကြော-က်ဟူစီ မွေဘဲ ညစ်ညူးဟူဇာ မျိုးမျိုးဟို့ ရရာတိုင်း တတ်မတ်ဟူစီန လောက်ဟူကြော န့် သူးနို့ဟို့ ကာမဂေါင်လိုက်စားရှင်းရဲ့ လတ်ထဲဟို့ အပ်လို က်ဂေဟယ်။

20 ခရစ်တော်ရဲ့ လမ်းစဉ်ဟာ အယ်မျိုးလမ်းစဉ် မှဘဲ ကြောန်းဟို့ နန်းနို့ဟာ သွန်သန်ခံရပီးဘီ။

21 ကိုယ်တော်ရဲ့ ကြောန်းဟို့ မှန်ဘဲ နန်းနို့ဟာ ကြားရဂေ ပီးဘီ။ ကိုယ်တော်ရဲ့ တမံတော်လေနေန သခင်ယေရှုရဲ့ သမ္မာတရားကြောန်းဟို့ နန်းနို့ ကြားရပီးဘီ။

22 အယ်ကြောန့် ရင်ဟု သတ်ရှင်လာဟူ လူဟောင်းဘ ဝဟို့ လွတ်ပစ်ဂေ။ လှည့်ဇားတတ်ဟူ စိဆန္ဒလေကြောန့် သောင်းဟို့မျှဘဲဟူ လူဟောင်းဟို့ လွတ်ပစ်ဂေပါ။

23 နန်းနို့ဟာ စိန်လောင်းသဘောဟို့ သစ်ပြုပြင်ခံရဘီး၊

24 ဘုရားသခင်ရဲ့ ပေါင်သဏ္ဍဌန်တော်နညီ ဖန်ဆင်းဇာ ဟို့ခံရဘီး သမ္မာတရားနဆိုင်ဟူ ဖြောန်မတ်သန်ရှင်းဟူ လူ သစ် ဖြစ်ရဂေဟယ်။

25 အယ်ကြောန့် မုသားစကားဟို့ ပြောဂေန။ နို့လေ ဂူ

လောင်းဟာ ခရစ်တော်ရဲ့ ကိုယ်ခန္ဓာစိပိုင်းလေ ဖြစ်ဂေ့ဟူ
ကြောနဲ့ ယောင်ကြည်သူ ရှင်းရှင်းဟာ မှန်ဟူ စကားဟို့ဘဲ
ပြောဂေ့ပါ။

²⁶ ဒေါသထွပ်ဘေမဲ့ ပြစ်လောက်ဂေ့န။ ဒေါသပြေဘဲန
နေဝမ်စေန။

²⁷ မာရ်နတ်ဟို့လည်း ခွမ်ပေးဂေ့န။

²⁸ ခိုးတတ်ဟူလူဟာ နှော-က်ထပ်ခိုးဘဲန လိုရှင်နေ
ဟူ လူလေဟို့ ပေးဇရိဟို့တွပ် သူရဲ့လတ်န ကောင်းဟူ
လောက်လေဟို့ အားထုဘီး လောက်စေ။

²⁹ နန်းနို့နှောက်ထဲဟု ကောင်းဘဲဟူ စကားလေ တခွန်း
လည်း ထွပ်စေန။ ကြားရဟူ လူလေဟာ ကျိုးရှိဟူစကား၊
တည်ဆွေ-က်ဟူစကားဟို့ဘဲ ပြောဂေ့ပါ။ အယ်မျိုးမှ
နန်းနို့စကားဟို့ ကြားရဟူ လူလေဟာ ကျိုးကျေးဇူးဟို့
ခံရလေ့မယ်။

³⁰ ဘုရားသခင်ရဲ့ သန့်ရှင်းဟူဝိညာဉ်တော်ဟို့ စိနာ
စေန။ ဖြားဖြစ်ကြောနဲ့နို့ဆိုဟာ ဝိညာဉ်တော်ဟာ နန်း
နို့ဟို့ ဘုရားသခင်ပိုင်ဟူကြောန်းဟို့ သတ်သေခံဟူတဇီ
မှတ်သားဖြစ်ဘီး နှော-က်ဆောင်း နေ့ရစ်ကာလမာ နန်းနို့
ဟာ ကိုယ်တော်ရဲ့ ကယ်တန်ဇာဟို့ ခံရလေ့မယ်ဖြစ်ဟယ်
ဆိုဇာဟို့ အာမခံချစ် ဖြစ်ဟူကြောနဲ့ ဖြစ်ဟယ်။

³¹ အယ်ကြောနဲ့ နာကြည်းရှင်း၊ စိဆိုရှင်း၊ ဒေါသထွပ်
ရှင်း၊ အော်ဘီးပြောရှင်း၊ တခြားသူဟို့ကဲ့ရဲ့ရှင်း၊ လူလေ
ဟို့မူးရှင်းလေဟို့ ဖယ်ရှာဂေ့ပါ။

³² နန်းနို့ဟာ ယော့-က်နယော့-က် ကရုဏာထားဘီး ရှစ်ဂေ့ပါ။ ဘုရားသခင်ဟာ ခရစ်တော်အားဖြင့် နန်းနို့ဟာ ပြစ်ခွမ်လွတ်ခံရမျိုး နန်းနို့ဟာ ယော့-က်နယော့-က် ပြစ်ဟို့ လွတ်ဂေ့ပါ။

5

လန်းရောန်မာ သတ်ရှင်ကြောင်း

¹ နန်းနို့ဟာ ဘုရားသခင်ရဲ့ ရှစ်ရဟူ သားမီးလေဖြစ်ဟူ ကြောန့် ကိုယ်တော်န တူအောန် ကျင့်ဂေ့ပါ။

² ခရစ်တော်ဟာ နို့လေဟို့ ရှစ်ဟူကြောန့် နို့လေတွပ် သူ ကိုယ်သူ ဘုရားသခင် ကြိုက်ဟူ၊ ရရာတိုင်း မွီးဟူ နံ့ဖြစ်န ဘုရားသခင်ဟို့ ဆစ်ကပ်အပ်မျိုးဘဲ နန်းနို့ဟာ ရှစ်ရှင်း မြစ်တာနှိုက် သတ်ရှင်ဘီး ရှော့-က်လှမ်းဂေ့ပါ။

³ နန်းနို့ဟာ သန်ရှင်းဟူ လူလေဖြစ်ဟူကြောန့် ကာမဂေါင်လိုက်စားရှင်း၊ ညစ်ညူးဘီး လောဘကီးဟူကြောန်းလေ ဂူလောင်းဟို့ နန်းနို့လေဟာ ပြောဂေ့န။

⁴ ညစ်ညူးဟူစကား၊ ယောက်မာဟူစကား၊ ရိုင်းစိုင်းဟူ စကားလေဟို့ ပြောဂေ့ဘဲ၊ ချီးမွမ်းဟူ စကားလေဟို့ဘဲ ဘုရားသခင်ဟို့ ပြောဂေ့ပါ။

⁵ ကာမဂေါင်လိုက်စားဇာ၊ ညစ်ညူးဟူဇာ၊ လောဘကီးဟူဇာလေဟာ ရောက်ထုဟို့ ကိုးကွယ်ဟူမျိုးဘဲ ဖြစ်ဟူ ကြောန့် ခရစ်တော်န ဘုရားသခင်ရဲ့ နိုင်ငံတော်ထဲဟို့ ဝမ်ရဟို့မဟု ဆိုဇာဟို့ နန်းနို့ဟု သိဂေ့ဟယ်။

6 ကျိုးမွေ့ဘဲဟူ စကားလေန ဖယ်သူလည်း နန်းနို့ဟို့ လှည့်ဇားစေန။ အယ်မူလေကြောန့် ဘုရားသခင်ရဲ့ မိန့်တော်ဟို့ နာခံဘဲဟူလူလေဟာ မျစ်တော်ဟို့ ခံရလေ့မယ်။

7 အယ်ကြောန့် နန်းနို့ဟာ အယ်မျိုးလူလေန လောင်းဝဆစ်ဆံဂေန။

8 တခီဒူးဟု နန်းနို့ဟာ မှောက်ထဲမာ နေလာဂေဟယ်။ ခုခီမာ ဘုရားသခင်ရဲ့ လူမျိုးတော်လေ ဖြစ်လာဂေဘီး လန်းရောန်ထဲဟို့ ရော့-က်လာဂေဟယ်။ အယ်ကြောန့် လန်းရောန်ထဲမာ ကျင်လည်ဟူ လူလေမျိုးဘဲ ကျင့်ဂေပါ။

9 ဖြားဖြစ်ကြောန့်နူးဆိုဟာ လန်းရောန်*ရဲ့ သီးလေဟာ ကောန်းမြတ်ဇာလေ ဘောင်ဂီး၊ ဖြောန်မတ်ဇာန မှန်တရားဟို့ ဖြစ်စေဟူကြောန့် ဖြစ်ဟယ်။

10 သခင်ဘုရား ကြိုက်ဟူဇာဟာ ဖြားဇာလေဖြစ်ဟယ် ဆိုဇာ ကြိုးစားဘီးဟာ သန်ယူဂေပါ။

11 ကျိုးမွေ့ဘဲဟူ မှောက်ထဲဟူမူလေန ဆစ်ဆံဘဲန အယ်မူလေရဲ့ ပြစ်လေဟို့ ပြဂေပါ။

12 ဖြားဖြစ်ကြောန့်နူးဆိုဟာ သူးနို့ဟာ လူနော့-က်ကွယ်မာ လောက်ဟူ မူလေဟို့ စကားပြောဟူနဘဲ ညစ်ညူးဇာလေ ပါသေးဟယ်။

13 ပြစ်ထန်ရှားဇာ ရှိမျှဟာ လန်းရောန်အားဖြင့်ဘဲ ထန်ရှားဂေဟယ်။

14 ဖြားဖြစ်ကြောန့်နူးဆိုဟာ လန်းရောန်ဟာ ရှိမျှဂူလော

* 5:9 ၅.၉ လန်းရောန်၊ တချို့ မူရင်းလတ်ရေးမူလေမာ ဝိညာဉ်တော်၊ ဆိုဘီး ရှိဟယ်။

င်းဟို့ ထန်ရှားစေကြောန့် ဖြစ်ဟယ်။† အယ်ကြောန်းကြော
န့် ကျမ်းစာထဲမာ၊

“အိမ့်နေဟူသူ နိုးလိုက်။ သေရာဟုနေ ပုလန်ရှင်လိုက်။
ခရစ်တော်ဟာ နန်းနို့ဟို့ လန်းရောန်ပေးလေ့မယ်” ဆို
ဘီး ပြောဟယ်။

15 အယ်ကြောန့် နန်းနို့ကျင့်ဟူ ဇာလေဟို့ ဒိပြုဂေပါ။ ပ
ညာမ္မောဘဲဟူ လူလေမျိုး မှဘဲန ပညာရှိဟူ လူလေမျိုး ကျ
င့်ဂေပါ။

16 အယ်ခု နေ့ရစ်ကာလဟာ ဆိုးလာဟူ ကာလဖြစ်
ကြောန့် နန်းနို့ရဟူ ခွမ်ရေးရှိမျှဟို့ ကျိုးရှိအောန် သော
င်းခလဂေပါ။

17 အယ်ကြောန့် နန်းနို့ဟာ မိုက်မဲဘီး နေဂေဘဲန
သခင်ဘုရားရဲ့ လိုတော်ဟို့ နားလည်ဂေပါ။

18 နန်းနို့လေဟို့ ဖျစ်စီးတတ်ဟူ စပျစ်ဝိုင်န မောယစ်ဇာ
ဟို့ ရောန်ဘီး ဝိညာဉ်တော်န ပုလဲဝဂေပါ။

19 ယော့-က်နယော့-က် စကားပြောဟူ ဒီမာ ဆာလံ
ချင်း၊ ဓမ္မချင်းန ဝိညာဉ်ရေးနဆိုင်ဟူ ချင်းလေဟို့ ရှင်းရှင်း
ဆိုဂေဘီး သခင်ဘုရားရှေ့မာ နန်းနို့ရဲ့ စိန်လောင်းထဲဟုနေ
ချင်းဆိုဂေပါ။

20 နို့လေ သခင် ယေရှုခရစ်တော်ရဲ့ နာမတော်ဟို့ မှီပြု
ဘီး ရှိမျှဂူလောင်းတွပ် ဖဘုရားသခင်ဟို့ မြဲဒမ်း ကျေးဇူး

† 5:14 ၅.၁၄ လန်းရောန်ဟာ ရှိမျှဂူလောင်းဟို့ ထန်ရှားစေကြောန့် ဖြစ်ဟယ်။
အယ်မျိုးမ္မောဘဲနေဟာ ရှိမျှဂူလောင်းဟို့ ထန်ရှားစေဟူ လန်းရောန်ဖြစ်ဟယ်။

5:16 ၅.၁၆ ကော ၄.၅ 5:19 ၅.၁၉.၂၀ ကော ၃.၁၆,၁၇

တော်ဟို့ ချီးမွမ်းဂေပါ။

မယားန လန်ကြောန်း

21 ခရစ်တော်ဟို့ ရိုသေလေစားဘီး ကြော-က်မျိုးဘဲ နန်းနို့ဟာ တယော-က်လိုဟို့ တယော-က် လိုက်ဂေပါ။

22 မယား ဖြစ်ဟူသူလေ၊ နန်းနို့ဟာ သခင်ဘုရားရဲ့ အောက်စိုးဇာဟို့ ခံဂေမျိုး ကိုယ့်လန်ရဲ့ အောက်စိုးဇာဟို့ ခံဂေပါ။

23 ခရစ်တော်ဟာ သင်းတော်ရဲ့ ဦးခေါင်းဖြစ်မျိုးဘဲ လန် လေဟာ မယားလေရဲ့ ဦးခေါင်းဖြစ်ဟယ်။ ခရစ်တော်ဟာ သူရဲ့ ကိုယ်ခန္ဓာဖြစ်ဟူ သင်းတော်ရဲ့ ကယ်တန်ရှင်ဖြစ်ဟယ်။

24 အယ်ကြောန့် သင်းတော်ဟာ ခရစ်တော်ရဲ့ အောက် စိုးဇာဟို့ ခံယူမျိုးဘဲ မယားလေဟာ နန်းနို့ လန်လေရဲ့ အောက်စိုးဇာဟို့ ကြွင်းမဲ့ခံယူရမယ်။

25 လန်ဖြစ်ဟူလူလေ၊ ခရစ်တော်ဟာ သင်းတော်ဟို့ ရှစ် ဟူကြောန့် သင်းတော်တွပ် သူရဲ့သတ်ဟို့ စွန့်လွှတ်မျိုးဘဲ နန်းနို့ရဲ့ မယားလေဟို့ ရှစ်ဂေပါ။

26 ကိုယ်တော်ဟာ သူရဲ့သတ်ဟို့ စွန့်ဇာဟာ သင်းတော် ဟို့ ရေနသန်ရှင်းစေဘီး စကားတော်န ဘုရားသခင်ဟို့ ဆစ်ကပ်ဟူကြောန့်၊

27 သင်းတော်ဟို့ သူဆစ်ကပ်ဇာဟာ ညစ်ကြေးလေမေ့ ဘဲ သန်ရှင်းဘီး ပြစ်တန်ဇာမေ့ဘဲန လွတ်ကင်းဟူ သူဖြစ်

န ရရာတိုင်း လှဘီး သန်ရှင်းဟူအသရေန ပုလဲဇောင်စေ
ဟို့တွပ်ဘဲ ဖြစ်ဟယ်။

28 လန်ဖြစ်ဟူသူလေဟာ ကိုယ့်ရဲ့ကိုယ်ခန့်ဓာဟို့ ရှစ်
မျိုး မယားလေဟို့ ရှစ်ဂေပါ။ မယားလေဟို့ ရှစ်ဟူလူဟာ
ကိုယ့်ကိုယ်ကိုယ် ရှစ်ဟူသူဖြစ်ဟယ်။

29 ဖယ်သူလည်း ကိုယ့်ရဲ့ ကိုယ်ခန့်ဓာဟို့ မူးဟယ်ဆိုဇာ
မေ့ဟု။ မူးဟို့နေနေသာသာ သူ့ကိုယ်သူ စားကျွေးဘီး ပြု
စုဟယ်။ သင်းတော်ဟို့ ခရစ်တော်ဟာ စားကျွေးဘီး ပြုစု
မျိုးဘဲ။

30 နို့လေဟာ သူ့ကိုယ်ခန္ဓာရဲ့ အင်္ဂါလေဖြစ်ဂေဟယ်။

31 ကျမ်းစာထဲမာ၊

“အယ်ကြောန်းကြောန့် ယော့-က်ကျားဟာ မိဖနားဟု ထွပ်
ဘီးဟာ မယားနနေဟူကြောန့်

သူ့နို့လေဟာ နှေ့ယော့-က်မူဟု တသားတကိုယ်ဒဲ
ဖြစ်ရဂေလေ့မယ်”

ဆိုဘီး ဖော်ပြဟားဟယ်။

32 အယ်ဇာဟာ ရရာတိုင်းနတ်နဲဟူ သစ်စာစကားဖြစ်ဘီး
ခရစ်တော်နု သင်းတော်ဟို့ ရည်ညွှန်းဘီး ပြောဟူစကားဖြ
စ်ဟယ် ဆိုဘီး ငါပြောဟယ်။

33 အယ်ကြောန့် နန်းနို့ တယော့-က်စီနလည်း ဆိုင်ဟယ်။
လန်ဖြစ်သူဟာ မယားဟို့ ကိုယ့်ကိုယ်ကိုယ် ရှစ်မျိုးဘဲ ရှစ်
ရမယ်။ မယားဖြစ်ဟူ သူဟုလည်း လန်ဟို့ ရှိသေလေးစား
ရမယ်။

6

သားမီးလေန မိဖလေကြောင်း

¹ သားမီးလေ၊ သခင်ဘုရားရဲ့ လိုတော်တိုင်း မိဖစကား
ဟို့ နားထောန်ဂေပါ။ မိဖစကားဟို့ နားထောန်ဇာဟာ မှန်
ဟူမှု ဖြစ်ဟယ်။*

² ဂဒိတော်မာပါဟူ ပထမပညတ်ဟ “နန်ရဲ့ မိဖဟို့ ရိုသေ
ပါ။

³ အယ်ဆိုဟာ နန်ဟာ ကောင်းဇားဘီး မှလေဂီးထတ်မာ
သတ်ရှယ်လေ့မယ်” ဆိုဘီး ဖြစ်ဟယ်။

⁴ မိဖလေ၊ သားမီးလေဟို့ စိဆိုးအောန် လောက်ဂေန်။
သူးနို့လေဟို့ သခင်ဘုရား လိုတော်တိုင်း ပြုစုပျိုးထောန်
ဂေပါ။

ကျွန်လေန သခင်လေကြောင်း

⁵ ကျွန်ဖြစ်ဟူလူလေ၊ နန်းနို့ဟာ ခရစ်တော်ရဲ့စေဟို့
ခံဂေမျိုး ရရာတိုင်း ကြော့-က်လန်ဘီး ရိုးသားဟူ စိန်
လောင်းန နန်းနို့ရဲ့ လောကသခင်လေဟို့ နာခံဂေပါ။

⁶ သခင်လေနစ်သက်ဟို့တွပ် သူးနို့ရှေ့မာဘဲ နားထောန်
ဇာမူဘဲန ခရစ်တော်ရဲ့ ကျွန်နေန ဘုရားသခင်ရဲ့ လိုတော်
တိုင်း စိပါလတ်ပါ စေခံဂေပါ။

⁷ လူလေရဲ့စေဟို့ ခံမျိုးမူဘဲန ဘုရားသခင်ရဲ့ စေဟို့ခံ
မျိုး စေတနာစိန် စေခံဂေပါ။

6:1 6.၁ ကော ၃.၂၀ * 6:1 6.၁ တချို့ မူရင်းလတ်ရေးမူလေမာ မှန်ဟူမှု
ဖြစ်ဟယ်၊ ဆိုဇာဟာ မှေဟူ။ 6:4 6.၄ ကော ၃.၂၁ 6:5 6.၅-၈ ကော
၃.၂၂-၂၅

8 ကျွန်ဖြစ်စေ၊ လူလွတ်ဖြစ်စေ၊ ကောင်းဇာတခုခု လောကီဟူလာဟူ သခင်ဘုရားနားဟု ကျိုးခံစားခွင့်ရမယ် ဆိုဇာ သိမှတ်ဟူးဂေပါ။

9 သခင်လေ၊ နန်းနို့ဟုလည်း ကျွန်လေဟို အယ်မျိုးဘဲလောက်ဂေ။ သူးနို့ဟို ချီးခြေ-က်ဂေ။ နန်းနို့န သူးနို့လေရဲ့ သခင်ဟာ ကောင်းဂန်ဘောင်မာရှိနေဘီး အယ်သခင်ဟာ မျစ်နှာလိုက်ဟု ဆိုဇာဟို သိဟူးဂေပါ။

ဘုရားသခင်ရဲ့ လတ်နတ်စောင်ကြောင်း

10 နန်းနို့ဟာ သခင်ဘုရားန တလောင်းတဝဒဲဖြစ်ဘီး ကိုယ်တော်ရဲ့ တဂိုးအားဖြင့် ခိုင်ခံ့ဟို့တွပ် ငါဟာ နှော-က်ဆောင်းနေန မှာရှင်ပါဟယ်။

11 မာရ်နတ်ရဲ့ လှည့်ဇာဟူ ဇာလေဟို ကာကွယ်နိုင်ဟို့တွပ် ဘုရားသခင်ဟု ပြင်ဆင်ဟူးဟူ လတ်နတ်စောင်လေဟို့ ဝတ်ဂေပါ။

12 နို့လေဟာ သွီးသားရှိဟူလူလေန တိုက်ခိုက်ဂေဇာ မူဟု။ ကောင်းဂန်မာနေဟူ ရရာတိုင်းဆိုးဟူ ဝိညာဉ်တဂိုးရှင်လေန၊ အယ်မှောန်လောကဟို့ စိုးရဟူ တဂိုးရှင်လေ၊ အာဏာပိုင်လေန တိုက်ခိုက်ဂေရဟယ်။

13 အယ်ကြောန့် ဘုရားသခင်ရဲ့ လတ်နတ်စောင်လေဟို့ ကိုင်ဟူးဂေပါ။ အယ်မျိုးလောက်မှ ဆိုးယောက်ဟူကာလ ရော-က်လာဟူ ခီမာ နန်းနို့ဟာ ရန်သူတိုက်လာဟူ

ဇာဟို ကာကွယ်နိုင်လေ့မယ်။ ဆောင်းထိ တိုက်ခိုက်ဟူ ခီ
မာ နန်းနို့ဟာ ရပ်နိုင်လေ့မယ်။

14 အယ်ကြောန့် ဆင်သင့်ရှိဂေပါ။ သမ္မာတရားဖြစ်ဟူ
ခါးဗတ်န၊ ပြောန့်မတ်ရှင်းဖြစ်ဟူ ရင်ဖတ်ကာဟူဇာဟိုရော၊

15 ငြိသတ်ရှင်းနဆိုင်ဟူ ဒန်းကောန်းဟို ဟောပြောဟို
တွပ် ပြင်ဆင်ဟူးဇာဖြစ်ဟူ ခေနပ်စီးဘီး ခံရပ်ဟူးဂေ
ပါ။

16 ယောင်ကြည်ရှင်း ဒိုင်းလွှားဟိုလည်း မြဲဒမ်းကိုင်ဟူး
ဂေပါ။ နန်းနို့ဟာ အယ်ဒိုင်းလွှားအားဖြင့် မာရ်နတ်ပစ်ဟူ
မီးမြှားလတ်နတ်ဟို ကာကွယ်နိုင်လေ့မယ်။

17 ကယ်တန်ရှင်းဖြစ်ဟူ သံခမော့-က်န ဝိညာဉ်တော်ဟု
ပေးဟူ ဘုရားသခင်ရဲ့ စကားတော်ဖြစ်ဟူ ဓားဟိုရော ယူ
ဆောန်ဂေပါ။

18 နန်းနို့ဟို ကူညီစောန်ရှော့-က်ဟိုတွပ် ဘုရားသခင်ဟို
မြဲဒမ်းဆုတောင်းဂေပါ။ ဝိညာဉ်တော်ပြောဟူးတိုင်း မြဲဒ
မ်းဆုတောင်းဂေပါ။ အယ်ကြောန့် နိုးနိုးကြားကြားဟူး နေ
ဂေပါ။ ဇွဲသတ်တိလည်း ရှိဂေပါ။ ခီတိုင်းမာ ဘုရားသခင်
ရဲ့ သန်ရှင်းဟူ လူမျိုးတော်တွပ် ဆုတောင်းဂေပါ။

19 ငါဟောပြောဟူ ခီမာ ဘုရားသခင်ဟာ ငါ့ဟို နှောက်
သတ်တိဟို ပေးဟိုတွပ်ရော၊ ဒန်းကောန်းရဲ့ နတ်နဲဟူ ဇာ
လေဟို ရဲရဲရင့်ရင့်ဟူး ဖွမ်ပြနိုင်အောက် ငါတွပ်လည်း ဆု
တောင်းပေးဂေပါ။

20 ငါဟာ ကျဉ်းထောန်ထဲမာ နေရဘေမဲ့ အယ်ဒန်း

ကောင်းတွပ် သံတမန် ဖြစ်ဟုယ်။ အယ်ဒန်းကောင်းဟို့
ဟောပြောသင့်တိုင်းဘဲ ငါဟာ ရဲရဲရင့်ရင့်ဟား ဟောပြော
နိုင်ဟို့တွပ် ဆုတောင်းဂေပါ။

နော-က်ဆောင်း နောက်ဆစ်ကြောင်း

²¹ ငါနပတ်သတ်ဟူ ကြောင်းလေဟို့ နန်းနို့သိဟို့တွပ်
ဒန်းဂူလောင်းဟို့ နန်းနို့လေဟို့ တုခိတ်ဟု ပြောပြလေ့မယ်။
သခင်ဘုရားရဲ့ မှတော်ဆောက်ဟူ ခီမာ သူဟာ နို့လေဟို့
သစ်စရှိရီန စေခံဟူသူ၊ နို့လေရှစ်ရဟူညီ ဖြစ်ဟုယ်။

²² အယ်ကြောန့် နို့လေနခိုင်ဟူ ဒန်းဂူလောင်းဟို့ ပြော
ပြဟို့တွပ်န သူဟာ နန်းနို့ဟို့ အားပေးကူညီဘီး နန်းနို့စံန
လောင်း သတ်သာစေဟို့တွပ် ငါဟာ လွှတ်လိုက်ဟုယ်။

²³ ဖဘုရားသခင်န သခင်ယေရှု ခရစ်တော်ဟာ ယောင်
ကြည်သူလေဟို့ ငြိသတ်ရှင်း၊ ရှစ်ရှင်း၊ ယောင်ကြည်ရှင်း
လေဟို့ ခုလပေးပါစေ။

²⁴ ဖယ်ခါလည်း ပျစ်စီးဘဲဟူ မြစ်တာန နို့လေရဲ့ သခင်
ယေရှု ခရစ်တော်ဟို့ ရှစ်ဂေဟူ လူလေ ဂူလောင်းထတ်ဟို့
ဘုရားသခင်ရဲ့ ကျေးဇူးတော်ဟာ ရော-က်လာပါစေ။

ဓမ္မသစ်ကျမ်း ထားဝယ်ဘာသာစကား
The Holy Bible in the Tavoyan language of
Myanmar: ဓမ္မသစ်ကျမ်း ထားဝယ်ဘာသာစကား

copyright © 2024 The Word for the World International

Language: (Tavoyan)

Contributor: The Word for the World International

ထားဝယ် ဓမ္မသစ်ကျမ်း

The New Testament in Dawei Language

The Word for the World

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-09

PDF generated using Haiola and XeLaTeX on 9 Jul 2025 from source files dated 9 Jul 2025

0c63f106-1001-58e4-ad11-6f62c327c4e1